

Fesoasoani ia Saogalemu Aso Malolo COVID-19

O le **faaopoopo o tagata** mai isi aiga e fesoota'i ma se isi tagata i faatasiga, **le va lalata** o le fesoota'iga o tino, ma **le umi** o le fesoota'iga, **o le faaopoopo foi lea o le mauiluga** o le lamatia e pepesi atu ai i isi mai se tasi ua maua i le COVID-19, pe iai ni ona auga pe leai.

O le faatasiga aupito saogalemu o faatasiga ma i latou tou te nonofo faatasi i lou aiga. Afai e te mana'o e faataunuu le faatasiga, mafaufau i ala e faaitiitia ai le pepesi atu o le COVID-19 ia i latou e pele ia te oe i fafo atu o lou aiga. O nai manatu e aofia ai:



Fuafuaina o le faatasiga:

- Tausi pea le toaitiiti. Faatapulaa le aofa'i o valaaulia, ma fautua ia auai mamao mai (virtual).
- Ia faamautinoa e lē auai atu tagata o loo gasegase, tagata o loo vavaeeseina ina ua maua i suega, tagata o loo kuarenitini, poo tagata o loo faatali i'uga o a latou suega ua mae'a ona faia.
- Talosaga i le au valaaulia e faaoga ufi fofoga pe afai e lē mafai ona faamamao mai isi tagata, aemaise i totonu o le fale.
- Faatulaga nofoa ina ia maua le nonofo faavalavala o tagata. Afai e mafai, manatu i se faatulagaga o nofoaga ia tofu le aiga ma la latou laulau.
- Fuafua ia faapuupuu le faatasiga.
- Tausi se lisi o valaaulia ia iai faamatalaga o fesoota'iga ne'i iai se tulaga e fia faafesoata'i ona o se ono pesia i se tagata ua maua i suega sa i totonu o le potopotoga.



A faia lau faatasiga:

- Talosaga i le au valaaulia e faatino le faavalavala ma faaoga ufi fofoga.
- Faatasitasi i fafo, pe a mafai.
- Ia faalelei atili le gasologa o le savili i totonu o le fale, aemaise pe a tausasami (tatala faamalama, faaola le ili e tapili ai le 'ea, ma isi).
- Ia fufulu soo lima, ma aua le tagofia soo ni mafola eseese.
- Ia tele ni senitaisa mo lima e mafai ona faaoga e lau'au valaaulia.



Saunia/faasoa atu o mea tausami:

- O tagata uma e aafia i le saunia o mea tausami e tataua ona faaoga ufi fofoga.
- Faatapulaa le aofa'i o tagata i totonu o le itu e sauni ai mea tausami.
- Alo ese mai le faa-potalaki o mea tausami poo le aumai e le au valaaulia o mea tausami na saunia mai i o latou aiga.
- Manatu ia toatasi se tagata e faasoina mea tausami uma, ae lē o le tofu le tagata ma aumai lana mea'ai.
- Taumafai e faaoga ipu ma isi mea e fai ma tia'i.



A mae'a le faatasiga:

- Soo se tasi e ma'i ia vavaeese ma fai sana suega.
- A iai se tagata valaaulia e maua i se suega, ia faafesoata'i uma tagata na iai ia kuarenitini, mata'i ni auga, ma fai ni suega pe afai e aliali a'e ni auga.